

դասասանի գրուց ունիմ ի հետ դորս սիրոցն»  
(Զոյն, էջ 118):

Դարանաղցի բարեկամները կը բողոքեն պատրիարքին (էջ 119) և նաղաչին ըրածները կը բացատրեն: Կեսարացի կը խոստանայ որ եթէ ուրիշներ ալ վկայեն՝ կարգազուրկ պիտի ընէ այս քահանան:

Այս միջոցին տեղակալները Դանիէլ վրդ. Այնթապցին և մի քանի «գլխաւոր այրեր» կը ղրկեն որպէսզի հաշտեցնեն Դարանաղցին և Կեսարացին, և «քազում աղայանօք» կ'առնեն կը տանին Դարանաղցին Ս. Սարգիս եկեղեցին, իրենց հետ ունենալով «քազնամքոյս ժողովորոյի»:

Գրիգոր Կեսարացին անարգանօք կ'ընդունի զայն, և փոխադարձ վէճէ յետոյ՝ կը զիջի գաւազանը դարձնելու և «յկեր երեսօք սոս հաշտօրիւն» ընելու Դարանաղցիին հետ (էջ 120-122), ինչպէս կը հաստատուի քիչ յետոյ անոր աշակերտին՝ Սիմէոնի մահուան (✠ 1607 Հոկտ. 25) պարագային անոր պատճառած նեղութիւններով, զորոնք մանրամասն նկարագրած է Դարանաղցի (էջ 122-124), չեմ գիտեր որքան անկեղծութեամբ:

Գրիգոր վրդ. Կեսարացի յետոյ կը սկսի չարչարել «պանդուխտ եւ նժդեհ», «նորեկ», «ստուպեալ, սնանկ եւ աղիս» քահանաները,